

-Lallungawi

Khawsak tieng mi var hai chu; Rimirhnik chawin an lawm,

VAWISUN THUPUI Pathien lekha Thu popo hi Pathien inthuk kharma pek a na, chuleichun inchuktir kawnga dam, thiemnaw inchanhtir kawnga dam, kawng kawnga dam, felna inchuktir kawnga dam a thahnem bawka a nih. Pathien mi chu, sin tha tinreng thaw dinga kintaka inthuoimin a famkim thei na dingin. - 2 Timothe 3:16-17

Editorial

Pawisa sem policy le vote zawr policy bansan ei tiu

Hnam changkang lem hai ngirhmun ei hmuin ei hriet a, ei entawn bawh hlak. Hma an sawn dan dam, an changkang dan le an ropui dan hai hi ei hmu thei vawng tah. Khawsak le khawthlang rama inzin thei nawhai khawmin TV haiah ei hmu thei vawng tah. Khawvel hmasawna le changkangna ei sawr tangkai vena pakhat a nih. Hma an sawn a, an changkangna san bulpui tak chu mipui han thil indik, tlo le tha an dit a, chu chu mani mimal chau invurlienna ni lovin, "Ei ram le ei hnam ta dingin a tha ding am" ti lungril an put phak lei a nih. Chuongang lungril put puma ram thuoitu an thlang hlak lein ram thuoitu chungah khawm an thikthu an sukse ngam a, chulei chun ram thuoina sin thawthai khawmin indik tak le ringum takin sin an thaw a, an inlawm tawn hlak a, ram ropui, ram changkang le ram hmasawn an hung ni thei pha hlak a nih.

Political party le candidates han sum sem policy an nei theina san chu mipui lungril thlek dan an hriet lei a ni ngei ring a um. Mipui tieng chuongang lungril ei put phana san chu ei sie le tha hrietna thenghlam tak ei hmang naw a, ei lungril put dan le ei ngirhmun an hnuoi lei a ni ring a um. Mani intodel seng ni inla chu bat nei tlat anga inggana ei nei khawm hi a hung re thei ngei ring a um.

Ei ramah inthlangna a hung um changin sum sem policy hmang a ni hlak ti chu a hretu seng ei nih. Vote thlakna ding ni 5 vel chau a bak ta a. Candidate tin hai chu vote hmu tam dan ding kawngan an induthaw hle a. Pawisa sem policy hi ram le hnam damna a ni nawh. Ram le hnamin a tuorhla a nih ti hi vote neihai popo lungrilah um tlat sienla; hnawng ngam seng tum ei tiu.

Pawisa sem policy hi ei ram le a mipui han ei tuorhla a, ei sietpui ang bawkin vote zawr policy khawm hi ei tuorhla le ei sietpui a nih. Party le candidate-hai pawisa sem policy thaw lo dinga ei dit a ni chun, mipui tiengpang khawmin vote zawr policy hi ei bansan ngam a tul a nih. Vote nei mipui han ei vote ei zawr nuom naw tlat chun pawisa sem policy hi a hung bo el ding a nih. Hi chungchangah hin a thiem bik ei um nawh. Ei bawsiet tlang seng a nih. Vote neitu mipuihai ei fair vieu chun candidate-hai khawm an hung fair el ding a nih. Candidates le mipuihai ei fair ve ve pha leh 'free and fair' election ei ti hi ei ramah a hung um thei chau ding a nih.

Ei rama inthlangna a hung um changa inthlangna ralmuong (peacefull election) nei hi a pawimaw bawh hlak. Tuta tuma inthlangna hung um dinga khawm hin hmun thenkhat chun candidate thenkhat vote campaign thei lova dang am ti tuu hril rik a um a. Hieng a ni chun ralmuong taka vote thlakna a um theinaw ding tina ni a. Hieng a ni lei hin venghimna tiengpanga thuneitu han hien-gang indangna, invauna le inthina umna biel haiah an rang thei angin venghimtu tirlutin sie nghal hai sienla nuom a um.

March 4 le 8 haia Assembly Constituencies 60 a inthlangna hung um dinga hin polling Stations 2794 hawng a ni ding thu le Polling Stations-hai vengtu ding hin Central Paramilitary Company 280 hmang a ni ding thu Chief Electoral Officer, Maipur chun a hril a. Ei rama inthlangna boruok enin Polling Station-hai chau veng tul ding niin an lang nawh. Biel thenkhat chun mipui khawm veng an tulsia ding niin an lang. Biel ralmuong lo deuva hrilna hmun haiah hin tuta inthaw hin venghimtu lo sielaw thei nisienla chu vote neitu mipui an lawm hle ring a um. Hi thil hi ngaittha chi a ni nawh.

Table with 4 columns: Hours, Studio/, Programme, CD/No. Rows include ALL INDIA RADIO: CHURACHANDPUR PROGRAMME, TRANSMISSION- FM-101.4 Megahertz, and various program details.

Editorial Board Lalmasawm Sellate: Editor & Publisher Roding L. Sellate: Jt. Editor Ramditum @ Rama Ralsun: Asst. Editor Lalsansuok Pulamte & Samuel Zothanglien@SZ Zote: Sports Joseph Joute: Freelance Lalruotlien Dulien: Computer Assistant Edited & Published by Lalmasawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

Hla hi ei hausakna a nih ei ti a. Ei sevêla ei unauhai pûr phurna ei ni hiel a, a'n dikna chin um a tih. Amiruokchu, ei hlahai bichiengna le thlirzauna ei la nei tam mang nawh a. Hang bêl chiengin thlitfim ngat inla chu ei ngirhmun hi chuong lawm chu a ni naw el thei a nih. Bêlchieng dâwlo, pei dinga inpâm um angreng ei deng bûm thûr el di'm ka ti hlak. Thu le hlaa hin 'tha/ting' ti inkhina hmaw hi inthawm vawng thei a ni naw lein rawtuina mâichâm fethleng hnunga a tha inhlir ti hih chu um thei naw'ng a t'a. Anachu, thang le thar la hung um pei dinghai ta dinga ro tling khawp thu le hla ei inrochung ding chun, ei thu lei hlahai hi ei chik pei a tul a nih. Mi t henkhatin, tawng thiema ei ngai hai chu suksuol nei thei lo ding ni awm taka ei hril dâm hi inthlawng chie ni lo, inthuoitu suolna thei a nih.

Thahnemngai fâl deuh haiin an thlir châng, thenkhatin pâwngpaw sawisêl anga ei ngai nâwk hlak a. Hi lei hin thu le hla tiengna hmasawn nuom luota bêlchieng le thlirzaun nuomha an intim pha niin a'n lang a, a pawih khawp el. Thuziek ni sien, hla ni sien, mi tiem le sak dinga ei pèksuok ta chun a tiemtu manih, a saktu amanih ta an' t'a a (A ziektu le phuoktu angin thuneina an nei ti zâwng ni lovin). An nuom dana chingletin, a thatna hrilin, a famkim nawna sawisêlin an hrietthiem nawhai an inzâwt a thieng a nih. A muolpho zâwng le mi sukhmingsiet tum râna ziek/thlir ruok chu a tha chuong kher nawh a. Amiruokchu, mi'n ei thu ziek amanih, ei hla phuok amaniha sawisêl ding an lo hmu a ni khawmin, inngaisiet ding ni lovin an lungrilah sin a thaw a nih tia hadam taka pawm thiem ding a nih. Hlawwsama in ngaia lungnuol ding a ni nawh a, lungsenâ lât ding khawm a ni nawh.

Hi hi mi thenkhatin ei hrietthiem nawh a. Ama'n ziek/phuok sien ieng maruo ni bik bar lo ding dâm ei ti a. Ei hriet sunhai le kha inhril intuoin ei insukhmasawn lem dingah ei ngai a. A tha lem, a'n dik lem le mâwi lem inkâwk hmu nuoma tawnghai, sawisêlna ngawr ngawr anga ngaiin ei hmusiet lem hiel hlak. Mâni pâwl mi le sa thu le hla mi'n an sawisêl lem hi chu ei lât na bik niin a'n lang. Thu le hla tieng kher naw khawm, mâni pâwl hotuhai tlâksamna le suksuolna, siemthat tum nêka thup mâwi ei tum hrâm hrâm dâm hi Satan hmangruo a ni lem nuom vieu a nih. Literature tieng chen hin chu; kohrana ei indaidanna bang chi te tetai hi inlang naw sien nuom a um. Criticism lem hi chu literature sirbi tukna hmangruo pawimaw tak a n'a, lungril zau put a tul a nih. Mi hmûr ei hruk hlahu chun ei hmasawna ding a dâl thei a nih.

Amiruokchu, literature le tawng(language) hi inzawm nisi, thil thuhmun ni chie lo, danglamna nei an nih ti ruok chu ei theinghil naw a tha. Tawng chun dikna a ngaipawimaw a, literature ruok chun dikna a phût kher nawh a; mâwina le thutakin hmun a chang insâng lem. Rev. Lienrûm-in, 'Ni tla ngai naw Zaion khawpui, ngaiin ka'n rum ka tap sun ni tinin' a ti khawm hih, literature-ah thudik zawng tumin, 'Zaion khawpui ngaiin ni tina tap dân a um nawh' ti tlat inla chu a buoithlâk awm hle. Patling, ni tina tap rêt rût thu a um naw hrim a nih; anachu, Zaion khawpui a ngai zie uor takin, mâwi elkhênin a hril lem a nih. Hieng ang hin, ei thu le hla suongvâwhai hih a mâwina, a ngainobeina, a ngainuomumna le thutak inphûmhai hmu kânin thudik chaw zawng inla chu dehâwn ding tam hle'ng a tih. Tawnga(language) chun sierkawp ang deuhin pakhat le pakhat belh chu pahni a n'a. Thu le hlahah(literature) ruok chuh, a themthiem pa chun pakhat le pakhat belh hin pahni nêka tam khawm a suksuok thei. Tawng(language/grammar) hmanga inkhia zero dêr, literature hmanga inkhi ruok chun bûk khin tak thu le hla a tamtak a um a. Nakie hin, fet taluong'ng ei t'a, a thumal ringawta inkeibuoi ei tih ti khawm hi inlâu a um tak chu a ni tho a nih.

Literature hi a zalên a, a huopzau bawka a. Literature tling le tling naw ti thuah khawm nuomma lai laia ramri khawm el thei chu a ni nawh. A tha le tha naw, a mâwi le mâwi naw kâr ruok chu a um a. A nina takah chu, thu le hla ei ti hi Pathien thu ang deuha a changa chang fie a nina lai a um a; chuong ang kha'ng ang ding chuh a nih tia hrilficia inkuo duok ding a ni nawh. Degree leh inthuoia nawr kuo duok duok thei a ni nawh a. Mâni taptebula lo thlier fel zung zung thei a ni nawh. Mi'n "Hi ka hlaphuok a nih" a nih ti hai sien, "hi chu hla a ni lêm ie" tia lo hnâwl ringawt thei a ni nawh. Thu ni sien, hla khawm, a saktu manih, a ngaithlatu amanih, a tiemtu lungrilah thu le hla a nina chu a um lem a nih. Tawngkam a lo hmang ulh deuh amanih, eini'n iengah ei lo ngai naw khawmin mi'n an lo hlimpui a, an lo tleipui tlat chun eini lo dehâwn khan umzie a nei nawh.

Hnam chângkang lemhai literature-a inthaw bûklung khâi a, mâni nham thu le hla ngainêp lem hi chu ei thlirna tarmit thlâk a tul. Ei hnam inthang dungzua tum le hla hung pienghai hih, ei ngirhmunna inthaw inkhia a hlutnahai hi hmu thiem tum ding a nih. Mi t'a ei inhar a ni khawmin, mihai hnawt phâk tumin thang ei lât ve el ding a nih. Mâni taptebulah sawisêlna ding zawnga lo chier inhuoi el lovin, a bâksamna ei hrietthai sukbittu ni tum lem ding a nih. Chuong lai zing chun, thu le hla tha a ei inchâwm theina ding le, ei tawng sukhmasawna ding chun a sie a tha thlier thiem mi ei pawimaw a. Hieng, Pu L. Keivom, Pu Zaneisang, Pu Hmangnei(Vumminthang pa) le mi dang, huosen taka criticism rawngkai thu ziek ngam ei nei dâm hi a hlu a. Mi thenkhatin ei lo ngaimaw deuh hlaka chu an tawngin umzie a nei ti hretu tamtak ei um.

Ei thu hma tiengna ei hril ang kha, thu tieng ei inthang maw hle laiin hla tieng ruok chu ruol inhar lovin ei um a. Thang tinah hlaphuok thiem an hung suok pei a; Pathien inpâkna hla lem chu Biekina inleng lo rak khawpin ei bil khâwm rem rum a. Hla phuok tieng hi chu ei balamna zâwng tak a n'a; chungtieng mi vur vena a nih. Ei hlaphuok thiemhai khawm ei ngaisâng a; anni zâra ei hnamin kawng dang danga hlâwkna a n' t'el hi hrilin a siek nawh. Anachu, mihrimen an ni ve lein suksuol an nei ve thei a. Suksuol le sep suol nei thei lo ding ziezânga ei ngai le ei hril hi chu a ni naw deuh a. Pathiena inthawka an dawng a nih ti leia sawisêl thieng lo tluka ei ngai lem hi chu ngaidân indiklo hulhuo a nih. Hmar laia pa tawngkam thiem tâwp, a "tak" kai nia ei ngai Rev. Thangngur meuh khawm hin khap suol zeuh châng a nei a. Thangthar laia a kamchim indik pâwla ei ngai Rev. Zosanglien khawmin a sep suol ve khut hlak a nih.

Rev. Zosanglien hlaphuok pakhat chun, Hmangai puon le thi le dâr le silfên mâwi leh, A'n ri tlang tlang ie

ti a um a(KHB-316). Hi taka thil inanglo pahni/pathum hmang kawp a, pakhat sinthaw chauh a hril hi thil inhme lo a nih. Hi hla tlara hin 'thi le dâr' chauh hi a'n ri thei thil a n'a, a'n ri thei lo 'hmangai puon' le 'silfên mâwi' thihai leh hmang kawp a, 'a'n ri tlang tlang ie' tia pakhat sinthaw chauh a suklang hi, ei hang sak khawm hin lungri la mi kaptu a um tlat chu tie. Hla thuah thil inang lo pahni manih, pahni nêka tam hmer kawp a, a pakhat chauh sinthaw(verb) hril hi ching rawp ding chun a mâwi rak nawh.

Hieng ang deuh hin Rev. Thangngur khawmin a hla pakhatah, A lawm ding Berâmpu le,

Jayalalthaa lim hai sukbo dinga court-ah ngen

CHENNAI: Tamil Nadu state-ah mipui haia inthawka mawrna a um lein, Chief Minister hlui J Jayalalthaa lim sawrkar office haia tar hai chu la thla dingin mi pahni in Madras High Court-ah PIL an file. PIL file-tu hai chu DMK legislator J Anbazhagan le K Balu, Advocate le President, Pattali Makkal Katchi-affiliated Advocates Forum for Social Justice hai an nih. PIL dungzui chun, Jayalalthaa lim chu sawrkar

office hai bakah, welfare scheme hieng machi bag le mineral water bura mi hai khawm sukbo vawng dinga ti a na, public funds hmanga CM hlui hriet zingna ding iengkhawm siem lo dinga ti ani baw. Supreme Court in hleprukna thubuoia Jayalalthaa thiemnaw an changtir leia chuong thil hai chu thaw dinga ti an nih. Hi chungthua hearing neina ding Madras High Court chun notice a la siem naw a, an hmatiengna nei dinga ring a nih.

Coaching third batch tan



CCPUR: Khuga Dam a um Sixth Battalion (Sikh Light Infantry), CCPur in district zanga thalai sin zawng hai hmakhuo ngaina leia an camp a Free Career counseling an buotsai chu a fe mek a, zanikhan Third batch han

clas an tan. Class hi 9AM-12 inkar sung nei hlak a nih. Hi coaching a thang ding hin Class XII-Graduate mi 38 in hnina an pek a, sienkhawm thenkhat college kai hun leh an tuok lein class laknaa hin mi 25 an thang.

ULFA (I) militant in thingpui huonah silai kappuok

DIBRUGARH: ULFA (I) militant ni dinga ring mi 2 hai chun Dibrugarh a thingpui huon Manager pawisa an demand an hmu naw lungsenin silai vawi tam tak an kappuok. Zani hmasak zan dar 8:20 PM vela hi thil hi tung a ni a, silai puok leia thi le hliem an um nawh. Silai kappuoktu hai chu Bike a inphur an na, pakhat lem pa chun Managerpa van hmuipuiin, ULFA (I) militant Biswajit Mo-

ran niin an hril a, an pawl thanguina dingin Rs. 6 lakh a demand a nih. Moran chun ULFA (I) thuoitu Aniruddha Asom threupk anga an thaw niin a hril baw. Thingpui huon Manager in demand note a hni a pek thei naw lein an inselbuoi tan a, hun sawt tak an insel buoi hnungin, thingpui huon sunga chun silai vawi tam tak hmetpuok a nih. Thil tung le inzawmin police haiin case an zieklut a, suichiengna nei mek a nih.

LAKTAWI 5th phase UP Assembly polls-ah 57.36% vote a thla

LUCKNOW: Zanita Uttar Pradesh Assembly election 5th phase chu tuong taka zo ani a, zantieng dar 5:00 PM chen khan vote 57.36% a thla. Election chu district 12 huom sunga constituency 51 haia nei a nih. Zantieng dar 5 pel hnung khawma polling station thenkhat vote thlak a la ni leiin, vote thla zat hi danlam thei ding a la nih. A pumpuia vote thla chu 60% a ting pha ding thu Vijay Dev, Deputy Election Commissioner chun a hril.

Election chu buoina um lo dinga security khaatak venghimna hnuoia nei ani a, inthlang boruok a zangkhai hle a hril a nih. Zanita inthlangna a candidate chu an rengin 607 an na, chu hai laia 40 chu nuhmei an nih.

Mizoram Assembly Budget session

AIZAWL: Mizoram Assembly Budget Session chu March 14, 2017 khin tan ning a ta, state Finance Minister Lalsawta chun March 16, 2017 khin state annual budget Assembly-ah phar a tih. Zanita Speaker Hiphei inrawinaa Business Advisory Committee (BAC) meeting nei a ni a, chu hun budget session hun hmang dan ding hi sukfel a ni a, Session hi March 30, 2017 chenin inthung ning a tih.

Assam state in Manipur thangpui ding

GUWAHATI: Hung tung ding March 4&8, 2017 haia Manipur Assembly election um dinga hin Assam Transport Department chun motor thaw ve in logistic tieng thangpui a tih. Manipur Transport Department in hnina a pek leia thangpui ding niin DIPR thusuok chun a hril.

Manipura Assembly election tuong taka nei ani theina dingin, Assam Transport Department chun thutlukna a siem dungzua sinthaw dingin thang a lak zing a nih.

AP-ah NSCN (K) cadre 1 man

ITANAGAR: Changlang district, Arunachal Pradesh-ah security force haiin dappui an thawna ah NSCN (K) cadre pakhat Machow Ngaimong an man. Intelligence report dungzua security force haiin dappui an thaw a nih.

Machow Ngaimong hi hieng lai tlangram khuoa hun sawt tak lo intawm tah, rawi iemanizat umpuia helna chihran hran lo thaw ta hlak niin Kohima based Defence PRO Colonel, Chiranjeev Konwar chun a hril. A kuta inthawk Pistol pakhat le a mu iemanizat security force haiin an man.

Goa-ah hmangruo 263 hmuosuk

PANAJI: Ministry of Home Affairs (MHA) chun Goa hmuna hmema hmangruo 263, Rs. 100 crore manhu an hmuosuk a, chuong hai chu Goa a khawsa hlak le Pakistan a inpen tah Goans a hminga um an nih. Hieng hmangruohai hi Parliament-ah dan siem a Union Government in lak dinga thang lak mek a nih.

Goans chu thangkhat liemtah a Pakistan a inpen niin, Pakistan khawmin a rammi nina a pek ta a nih. Goans in Pakistan mi nina a pawm ta leiin, India in 1965 a Pakistan chu hmema rambunga a puong dungzuiin, a hmangruohai chu hmema hmangruo a

hung ni ta a nih. A hmangruohai chu Bardez, Salcete, Tiswadi, Bicholim le Goa khawpui hmun thenkhata um an nih. Goans a hmangruo iemanizat chu mi thenkhatin an ta angin court-ah an lo claim hiel ta a nih.

September 11, 1965 khan hmangruo Pakistan rammi hai ai aw a midangan an enkawl khawm hmema hmangruo ani thu puong ani a, Enemy Property Act, 1968 le Enemy Property Rules, 2015 hnuoia a chungthu ngaituo hlak a nih. Hmema hmangruohai sawrkar thuneina hnuoia sie ani theina dingin Parliament chun dan thar indung dingin thang a lak mek.

Inkhemihai sukhmasawna dingin centre in Rs. 350 Cr

NEW DELHI: India rama inkhelmi hai sukhmasawna dingin centre in Rs. 350 crore hmang ani ding thu zanikhan a puong a, chu fund chu Sports Authority of India (SAI)-ah facilities tulai le changkang tak lakna dinga hmang ning a ta, trainer 200 lakna a hmang ni bawk a tih. SAI Training Centre, Kurukshetra hmuna inkhelmi le trainer hai hohlimpua a neina a Hira Ballabh, Executive Director (Finance), Sports Authority of India in zanita hi thu hi a hril a nih.

Inkhel huna hliemna tuokhai enkawltu dingin

SAI-ah 'recovery physiotherapy centre' hawng ani ding thu Ballabh chun a hril a, Training Centre-ah Hockey a dingin Astroturf khawm centre hmalakna a hawng wat ani ta ding thu a hril bawk.

MGNREGS implement thaw dan angin, state sawrkar le centre hai thanguolin tlangram khuo tinah inkhelna sukhmasawna ning a ta, Inkhelna le Inkhemihai sukhmasawna dingin companies hai an inrawl theina dingin, centre in Rs. 6,500 crore budget umna CSR fund khawm a approved ta thu Ballabh chun a hril.

Chidambaram in DU buoina thua Jaitley tawngbau a dawnlet

NEW DELHI: Congress thuoitu le Union Finance Minister hlui P. Chidambaram chun zanikhan Delhi University buoina thua Finance Minister Arun Jaitley tawngbau a dawnlet. Jaitley chu 1975 a DUSU a President a chel lai khan institution dan kal le mi kawihai inrawitu ani le ni naw thu Chidambaram in zawna a pek.

Zani hmasak khan Jaitley chun, Indian campus a hai chun "alliance of subversion", ultra-Left le separatists haiin tawng angkhat vawng an hmang hlak tiin a hril a nih.

Chidambaram chun, mihran hran hai chu an ngaidan hrilna ding chawp pek seng ding an nih tiin London hmuna School of Economics a thu a hril hunah a suklang. Kam zalenna (free speech) chu



vantlang a debate ding a nih ti chu a mimal ngaidan ani thu Minister in a hril a, kut inthlakna chu a chingfel dan an naw thu a hril bawk.

Finance Minister chun Delhi University campus a Left-affiliated AISA le RSS-backed ABVP hai inkara buoina um le inzawma tawngbau chu a nei a nih.

Delhi University a buoina chu liemtah Nilaini a intan ani tah a, student

thenkhat chu groupa in-siemin, hmun hran hran a hai protest an nei a, Delhi police headquarters a hai chen pungkhawmin, ABVP members hai hremna pe dingin an phut a, politics khawm inrawna nei nia hril a nih.

Union Finance Minister Arun Jaitley hi 1974-75 sunga Delhi University Students Union (DUSU) President a nih.

BSSC chairman manna thua IAS ruolin protest nei

PATNA: Bihar a Staff Selection Commission buot-saina hnuoia clerk exam question paper leak-na le inzawma man, senior IAS officer le BSSC Chairman Sudhir Kumar mana a um dodalna in Bihar IAS Association chun protest an nei. Hi thu le inzawm hin, IAS officer hai chun tawngbau order hrim hrim zawm lo dingin thutlukna an siem a, Chief Minister thangan lekha um ngei naw chu tu thu khawm zawm lo dinga ti a nih.

Patna hmuna Extra Ordinary General meeting an neina a resolution hai chu an passed a na, Sudhir Kumar insuo annawleh, dan ang taka suichiengna nei thei dinga CBI kutah peksawng ani hmakhat chun, IAS Association chun an sinthawna hmuna puonte dum an kuta bun seng dingin thu an sukhluk bawk.

Indiabak rorelna fepui ani hma chun, tukhawma BSSC Chairman le Bihar Staff Selection Commission a controller mavphurna la lo dingin IAS Association chun an rel.

Association chun Bihar Governor Ram Nath Kovind a kuomah zanikhan memorandum an peklut a, an sinthawpui Sudhar a thil tuok an tuorpui zie suklanga in kut inchel zawmin 'human chain' an thaw. Association Secretary Vivek Kumar Singh chun Sudhir le a sungai chu indiklo taka intuma man an ni thu a hril.

MIPUI HAI FIELNA



VOTE THLAKTU MIPUI HAI MLA HUNG NI A, TLANGRAM LEILUNG LE MIPUIHAI HUMHIMNA SIN THAW DINGIN, IN VOTE HLU TAK LUNGINSIET TAKIN MI LO PE RO DR. DK MANG Independent Candidate 58-A/C (ST)/ Churachandpur

SIMI chief Nagori le mi 10 hai damsung intang dingin

NEW DELHI: Ram dan kaltu a puong a banned tah, Students Islamic Movement of India (SIMI) chief Saifdar Nagori le member 10 hai chu damsung intang dinga thiennaw inchantir an nih. Zanita Indore hmuna CBI court rorelna in thutlukna chu a siem a nih.

March 26, 2008 khan SIMI chief le member 10 hai hi man an na, silai le a mu, thil puok thei le radical literature tam tak an kuta inthawk police hain an man bawk. Anni hai chu SIMI member hai training pe hlaktu le ram dan kala khawsa le helna siem hlak-tua intum an nih.

hai chun, anni chu midang hmuosit tak le deusaw taka tawngkhum hlaktu, Islamic Movement le inzawma training pe hlaktu le anti-national literature hai promote hlaktu an nih ti chieng taka hriet an nih.

Kum 45 mi a nuhmeiin a tilmu-ah a pet hlum

BENGALURU: West Bengaluru a kum 45 mi Arun Kumar (hming thleng) chu a nuhmei kum 35 mi Rohini Kumar (hming thleng) in a tilmu-ah a pet leiin a thi. Rohini chu tuol a that leiin police haiin an man a, police hai kuoma an puong dan chun, a pasal chu HIV positive ani thu le, a thu le hla lova umpui a tum huna an vengnaa a thaw niin a hril.

nuom naw sa in umpui lui a tum leiin, invengna in a nuhmei chun a tilbawr chu a pet pek el niin an hril. Thil tung chu zingkar dar 2:30 AM vel a nih.

Hi chungthua police hai hril dan chun, Arun chu a sinthaw zanah an lawi a, a nuhmei chu umpui dingin a fiel a, Rohini chun a lo hnawl a nih. Arun a natna lei chun an nupa khawm hun sawttak zal hmunkhat ta lo an nih. A nuhmeiin a

Arun le Rohini hi kum 15 liemtah a kha innei an na, kum 13 mi nau nuhmei pakhat an nei tah a, Arun chu driver sinthaw a nih. Arun in HIV natna a nei an hmuosuk a inthawk an nupa chu kar hla taka um tan an nih. Rohini in a tilmu-ah a pet leia a pasal thi angin hril sien khawm, Arun chu a lu-ah hliemna um nia hril ani bawk. Arun a ruang post-mortem thaw dinga lak a na, a nuhmei chu court hmaa inlangtir ning a tih.

Union Minister hlui P. Shiv Shankar a thi

HYDERABAD: Union Minister hlui P. Shiva Shankar chu zani zingkar khan natna khuma hun sawttak a zal hnungin kum 88 mi niin Hyderabad-ah a thi. Shankar hi Sikkim le Kerala Governor sin khawm lo chel tah a nih. Hmun hran hrana political parties le ram thuoitu haiin an sunna thu an puong a, Telangana

Chief Minister K Chandrashekar Rao chun a thina in a thawng thu le, a sungai a tuorpui tu a hril. Shankar chu hnam hnuoinhung hai thuoitu lo ni hlak, Union Minister, Judge le Governor ni bawk a na, an thlana chu ropui taka hmang dingin Telangana sawrkar chun thusuok a siem.

N. Korea in China chu US khoungben dana lam niin an tum

PYONGYANG: China sawrkarin tulai hnei ela North Korea kuoma lungmeihawl thawnlut a sukchawlna le inzawmin North Korea chun a ruoltha em em rambung China chu demin, China chu US khoungben dan dana lam niin an tum.

chaw! lei hin North Korea chun harsatna nasa tak a tuok leiin China sawrkar chunga hin a lungawinaw hle a nih.

sawrkar chu thil dang danga khoungben dan an sukhluk a, chu le inzawma China sawrkar khawm hin Lungmeihawl thawnlut hi a sukchawl a nih.

China sawrkarin North Korea kuoma Lungmeihawl a thawnlut hlak a suk-

North Korea in UN Security Council resolution bawse-a tulai hnei ela missile a ensin nawk leia United Nations le khawvel rambung dang dang han nasa taka an dem bakah North Korea

Jews hai thlanlung 100 chuong suksiet

NEW YORK: United States a Philadelphia hmuna Juda hnam hai thlanlung Jewish Cemetery-a chun thlanlung 100 chuong suksiet niin local media report chun a hril. Hiengang bawh hin kar hmasa lai el khan Missouri hmuna thlanlung suksiet a lo ni ta bawk.



Thlanlung suksieta um hi zani hmasa zingkarasal pakhatin a sungai mi 3 thlan a va kan naah an lungdaw hai sukhluk le suksieta umin a va hmuosuk a, chu taka inthawk hi thil tung hi hrieta hung um a nih. Thlanlung hai hi Inrinni zan veta

kha suksiet ni dinga ring a nih tiin Police chun an hril. Kar hmasa khawm khan Missouri hmuna Chesed Shel Emeth Society Cemetery a thlanlung 200 chuong zet suksiet le sukhlukin

a lo um ta a nih. Jewish Community Centre Association chun, tukum sung hin states 27 haia Juda mi 54 hai chun bomb hmanga bei dinga vauna an dawng ta niin a hril.

Airtel in call le data-ah roaming charge sukbo ding

NEW DELHI: Bharti Airtel chun call (incoming le outgoing), data le SMS a hai India ram sungah charge a sukbo vawng ta ding thu zanikhan a puong. Airtel chun tulaiina company that le customer hau em em Reliance Jio elna a chu thil chu a thaw a nih.

India a mobile service provider hai laia lientak Airtel chun, International call rate khawm a sukhnuoi ding thu a hril a, in-

ternational call chu 90% a sukhnuoi ning a ta, minute khat peiah Rs. 3 ani ta ding a nih. Roaming huna data charge khawm 99% sukhnuoi a ta, MB khatlah Rs. 3 pei ning a tih. Hieng rate sukhnuoi hai hi roamingna hmumin thu phur a ta, hmun inlar le lunna a hai chun customer haiin hamthatna an hmu zool dinga ti a nih.

Roaming charge hai hi April 1, 2017 a inthawka sukbo ning a tih. Intern-

ational a roaming hai chu bill inkhawm um naw ni a, nitina bill chu lak pei ding niin, roaming pack thun hai khawmin daily basis a bill lak tho ni dingin Bharti Airtel in thusuok a siema chun a tarlang. Airtel in hmalakna a siem that hin customer hai a suzkangkhai pha hie ring ani a, India sung le khawvel huopin Airtel customer haiin a bill insang taluo loin Airtel sim an hmang thei ta ding a nih.

Bank account hack-tu kum tlinglo man

NORTH LAKHIMPUR: Maharashtra state sunga Bank account hacked a saving account a inthawka pawisa a neitu hriet lova laksuok hlak police haiin an suina ah, Assam a um kum 15 mi Rohit Mishra chu man a nih. Rohit chu Krishna Mishra naupa North Lakhimpur a um a na, cyber crime ah hun iemana chena inthawka inhnamnawina lo nei tah niin, account hran hran hmangin midang account a inthawk pawisa lasuok hlak a nih. Maharashtra a cyber crime tienga sinthaw police officer pakhat a account an hacked

huna mansuok a nih. Rohit a ngaiawngnu chun bank account a nei naw leiin account an hacked chu hmangin Rs. 15,000 a deposit pek a, chu pawisa depositna account a inthawk suizuina an nei a, a depositu Rohit chu mansuok a nih. Police hai hmaah iengkim thup nei lovin Rohit chun a puong vawng a, an puongna a inthawk a sinthawpui mi pali Kaushik Bora, Raktimjyoti Mahanta, Pulakesh Buragohain le Khirod Hazarika hai man belsa an nih.

Rohit chu Class-X exam lova school tawpsan

a na, account hacking tieng chu master tak niin, ruol thenkhat leh thanguolin hun iemana chena inthawk chuong ang chun pawisa an laklut hlak a nih. Ama sinthaw tak chu pawisa thaklawn le bank haia deposit a nih. Demonetisation chun an sumhran a sukupng hle niin Rohit chun a hril. Digital payment thawa thuoimhnaw inchawtu le fund transfer haia inthawk pawisa thahnem taw tak an laklut thu a hril.

Jorhat a juvenile detention centre-ah Rohit chu thawn ani a, a sinthawpui mi 4 hai chu North Lakhimpur jail a thawn a nih.

April 30 chenhah NHRC post suok hai sukbit dingin an hriettir

NEW DELHI: Supreme Court of India chun National Human Rights Commission (NHRC) a post pahni ruok hai April 30, 2017 chena sukbit dingin sawrkar thlungpui an hriettir. Hi chungthua Supreme Court Lawyer le

social activist Radhakanta Tripathy in Public Interest Litigation (PIL) a file na le inzawma hearing nei a ni hnungna Chief Justice of India Jagdish Singh Khehar, Justice D.Y. Chandrachud le Justice Sanjay Kishan Kaul han hi order hi an in-

suo a nih. Supreme Court chun January thla khan NHRC a Director General (DG) le post dang ruok sukbit lova pending um hai chu chawlikar khat sunga sukbit dingin sawrkar thlungpui a lo inhriettir tasa hrim a nih.

President Hlui Obama A Lan Lar Hle

NEW YORK: US President hlui Barack Obama chu New York mipuihai lai chu a lan lar hle a, tamtakin an la ngaisang hle ti an lang. Liemtah Nilaini khan Obama Presidential Library, Chicago siemna dinga donation thaw hlak, nupa pahniin an siem Simon Foundation office umna hmuna va si a, sekret service hai vengna khaatak hnuoia an nuom mipui an tam taluo leiin lampui le khawlai an sukbuoi vawng pha a nih.



James Simon le a nuhmei Marilyn hai hi philanthropist an nih a, Obama Library a dingin Dollar \$700,000 an donate tah a, lawmthu hril dingin an office a va si a nih. Zirtawpni khawm khan a naunu Malia (18) leh Broadway ah milar hran hranhai leh hun an hmanga, boruok an siem nasa hle. Broadway-a milar Danny

DeVito le midang danghai leh hun an hmang a. Arthur Miller a play "The Price" an an bawk a. Play an en hma hin New York-a Italian hotel bu inhniktaka hril Emilio ta Ballato ah bu an fak bawk a, hun hlimum tak narân takin an hmang a nih. First Lady hlui Michelle Obama khawm Washington DC inhawi a ti tan niin an

Secret Service in an zui ruk zing a nih. Kha hma chun Secret Service hai vengna hnuoia a rukin mipui hmu lo dingin a suok hlak a, tuhin chu public ah langchang takin a khawsa ve tah a nih. White House-a an um lai khawm fitness (hrisêlna) hi a ngai pawimaw em em hlak a, hun a nei angin a work out hlak a, a la sunzawm pei a nih. A ke suk nal zing a tum a nih.

Tuhin chu President nuhmei nina mawphurna inhlipin chaw! hmanga an inzin khawm a tawp tah bawk a, an naunu-in sin narân tak thawa a career a siem tan ve mek laiin Obama le Michelle khawm narân taka khawm an inchuk nawk meka chu President hlui meu chu narân taka thil thaw a lo intak tah ning a tih. New York le Washington DC an la sukhning luoi luoi thei a nih.

Emma Stone-in Best Actress Oscar Award lâk "Moonlight"-in Best Picture Oscar Award 2017

LOS ANGELES: Golden Globe award le 2017 SAG award hai lo la tah sienkhawm, Oscar Award or Academy Award a lâk vawikhatna dingin, American actress Emma Stone chun Actress in Leading Role ah, musical drama "La La Land" ah Best Actress award a lâk a. A film hin nomination 14 a nei a, paruk lain record a siem bawk a nih.



Kum 28-a upa nunghak hmêltha tak hin a unaupa Spencer le a nu-le-pahai bakah a film changpui Ryan Gosling le director Damein Chazelle hai kuomah lâwmthu a hril a. A ruolpa Ryna kuomah, "I min nûitir zinga, hma ka sawn theina dinga i mi keithuoinahai, a nêka insang i min kaitir pei lein i chungah ka lâwm takzet a nih. Hi film hlawtingna dinga thanghai po po, mimal tin hmung ka cheua lâwmthu la hril ka cheu a, dittawkin ka la kuo seng ding cheu a nih" tiin a hril a. Thaw ding a la hau hle nin a hril bawk.

Kum 28-a upa nunghak hmêltha tak hin a unaupa Spencer le a nu-le-pahai bakah a film changpui Ryan Gosling le director Damein Chazelle hai kuomah lâwmthu a hril a. A ruolpa Ryna kuomah, "I min nûitir zinga, hma ka sawn theina dinga i mi keithuoinahai, a nêka insang i min kaitir pei lein i chungah ka lâwm takzet a nih. Hi film hlawtingna dinga thanghai po po, mimal tin hmung ka cheua lâwmthu la hril ka cheu a, dittawkin ka la kuo seng ding cheu a nih" tiin a hril a. Thaw ding a la hau hle nin a hril bawk.

LOS ANGELES: Khawvêl mipui vaibelsie telin an thlir lain African-American (midum) naupang pakhat, Miami khawpui ah harsatna tamtak kâra seilien chanchin "Moonlight" chu Best Picture tiin Oscar Award 2017 inhlân a nih. Result hi presenter Warren Beatty-in "La La Land" nih anga a puong lein director Jordan Horowitz-in Award a hang lâk a. A hunghang thaw suol a nih ti hriet suok a nih a.



Academy Award ah thaw suol lientak an neina hmasatak a la nih a. Academy of Motion Pictures Arts and Science hotuhai chun thil umdân suizui a ni ding thu le pawin an ti thu an hril. Accountant Rice chun envelope an lo mixed up pala, presenter chu an dik naw lem pek pal niin a hril. Oscar vawikhatna dinga Best Actress latu Emma Watson chun "Oscar history ah chu thil maktak a la nih" tiin a hril.

Best Picture a lak ta nawa chu musical drama "La La Land" chun award paruk lain Award dawng rawntak a la nih a. Director D a m e i n Chazelle (32) chu Oscar Award Best Director latu naupangtak a la nih. Best Actor ruok chu "Manchester by the Sea" changtu Casey Affleck-in a lak ve thung a. "Hril ding tha deu nei lang ka tih, ka dang an awk vawng" tiin a lâwmzie le mak a ti thu a hril.

Best Actress: Emma Stone, "La La Land" Best Director: Damien Chazelle, "La La Land" Best Supporting Actor: Mahershala Ali, "Moonlight" Best Supporting Actress: Viola Davis, "Fences" Best Original Screenplay: "Manchester by the Sea" - Written by Kenneth Lonergan Best Adapted Screenplay: "Moonlight" - Screenplay by Barry Jenkins; Story by Tarell Alvin McCraney Best Animated Film: "Zootopia" Best Foreign Language Film: "The Salesman," Iran Best Documentary Film: "O.J.: Made in America" Best Original Song: "City of Stars" - "La La Land." Music by Justin Hurwitz, Lyrics by Benji Pasek and Justin Paul.

Inchei Thingtak, Scarlet Johansson & Goodwin

LOS ANGELES: "Avengers" le action film hran hrana nunghak hmêltha le fit tak, pa deuva râlthuom le insuol a thiem ang bawka bedroom insuol khawm thiem, nau pakhat a nei taa chu nunghak ang tho le la sexy tak Scarlet Johansson chu nu deuva um le inchei a thiem naw nung a nih; tu tum Oscar Award 2017 red carpet ah inchei thing tak or inhme naw takhai laia thlangin a um ve tlat.

sienkhawm, a hair style thar boys-cut leh an hme naw talua Worst Dressed celebrity aha a thang a nih. Inchei thing tak laia thang chu Ginnifer Goodwin le mi dang dang a nih.



Hienglai zing hin Award la naw sienkhawm Golden Globe Award a Best Dressed and Most Sexy title lo la tah, Bollywood star Hollywood tienga thang mek "Quantico" le "Bay Watch" star Priyanka "Mary Kom" chopra chu, tuta tum Oscar Awards 2017 Best Dressed celebrity list ah a thang ve nâwk tah. Priyanka Chopra bâka hin Jessica Biel, Janelle Monae le Justine Timberlake hai khawm an thang. Hieng lai zing hin, Trump ditnawtu Meryl Streep chu Award la a nih ti a chieng.

"Titanic" Star Bill Paxton (61) A thi

LOS ANGELES: "Titanic" (1997), "Terminator" (1984), "Aliens" (1986), "Edge of Tomorrow" (2014) le HBO le CBS series haia inlân em em American actor Bill Paxton chu kum 61 mi niin zani khan an chêngna in North Worth, Texas ah a thi. A sùnghai hril dan chun, Bill hi operation an thawna infuk naw leia thi niin an hril a, ieng operation tak am an thaw ti ruok chu hril a nih nawh.



"JFK: The Final Hours" ah narrator a ni nghe nghe a nih. Texas sumdangng hausu nau niin a film hmasatak "Crazy Mama" chu 1975 khan a chang. Golden Globe Award ah vawi thum nominated a nih a, "Hatfields and McCoy's" ah Emmy award a dawng bawk a. Award ceremony a thang tâwpna tak chu January 18, People's Choice Award 2017 kha a nih a. A thi chena a thangna chu CBS series "Training Day" a nih. Bill Paxton hi meteorologist (weather umdân inchtukuhai) in an gaisang em em a. Tornado (thawnga-leivir) hnawtu le suitu Bill "The Extreme" Harding lem "Twister" (1996) a chang lem kha chu kum 20 sunga meteorologist hai thangpuitu thak a nih tiin National Weather Service chun a puong a, Bill kuomah lâwmthu a hril hlawl a nih. Bill Paxton hin kum 30 zet a nei tah a nuhmei Louise Newberry le an nauhai pahni James le Lydia hai a maksan a nih.

Wheelchair a intawl in Miss Australia pageant-ah

Tukum February 19, 2017 nia Miss Australia Pageant a khan kum 26-a upa Justine Clark chu wheelchair-a intawl pumin contest-ah a thang ve a, Miss Australia pageant-a wheelchair-a intawl puma contest-a thang hmasa tak a la nih.



thaw thei le competition-a thang thei a niezie inhriet-tir a nuomna leia contest-a thang a nih. Justine Clark hin Miss Australia title chu la naw sienkhawm thang theia a umna thuah a lawm hle a, wheelchair-a inthung or intawl pum khawmin thil ropui tak

SPANISH PREMIER LEAGUE :

Goal 2 bat hnung Real Madrid chun vangneithlak takin Villarreal an hne a, Messi'n hratna goal ropui a thun bawk

Spanish Premier League inkhel Pathienni zan khan pali a um a; Atletico Madrid le Barcelona inkhelin inkhel hmu nuom um tak an inkhel a. Atletico Madrid khawm an khel tha hle a, half hma lem chu ball khawm an chang rawn bakah goal khawm an thun teu thei hle. Anachu Second Half tieng Barca an che tha lein a vangnei lem an thang ta a nih. Half chenah goal thun an um bik naw a, second half intan deu hlum minute 64 naah Barca ta dingin Rafinha chun goal hmatuoi a thun a. Chu hnung minute 70 naah Atletico Madrid chun Diego Gobin hmangin an goal bat an rul a. Hun tawp chenah goal thun thei bik an um a naw ding ang deua ngai a ni lai minute 86 naah Lionel Messi chun hratna goal pawimaw em em a thun a, point pathum an hlaw dawk ta a nih. Hi dungzui hin Barcelona chu



point 54 neiin Real Madrid hnuoi charah point khatin an inhnoui lem a, Atletico Madrid ruok chu Palina an ni ve thung. Inkhel dangah Villarreal chun Real Madrid an lo mikhuol a. Gareth Bale khawm tukuma inkhel tan hlama a thang hmasa takna dingin a hung pensuok ve a, goal 2 an bat hnungin hun tawp hnei tieng hratna goal an la thun lein pakhatna an ni zing. Second Half intan hlum minute 50 naah Villarreal chun Manuel Trogueiros hmangin goal hmasa

lein anni khelmuolah ngei an muolpo ta a nih. Villarreal hi tuhin parukna an ni nawh. Athletic chun table-a an hnuoi tak dawt Granada an lo mikhuol ve a, 3-1 in an lo hne bawk. Hi taka goal thuntuohai chu Bilbao tieng Markel Susaeta (11'), Inigo Lekue (33') le Mikel San Jose (69') hai an nih. Sporting Gijon chun Celta Vigo an lo mikhuol ve a, an player Jorge Mere chun minute 74 naah Red Card a hmu a chu an lan angawt tho tho a nih. Gijon ta dingin minute 49 naah Moi Gomez chun goal (penalty) a thun a, hma an thui char char a, minute 74 naah Celta Vigo chun Iago Aspas hmangin an siphur an sût a, goal thun sap an um a naw lein 1-1 in a inthathet ta a nih. Hi dungzui hin Sporting Gijon hai hin relegation zone an la suoskan thei hri naw a nih. Celta Vigo ruok chu 10-na char an la nih.

PREMIER LEAGUE SUPER SUNDAY RESULT

Harry Kane Hattrick le Dele Alli goal khat hmangin Tottenham chun Stoke City an sawp

English Premier League Super Sunday inkhel pakhat lemah Tottenham (Spurs) chun Stoke City an mikhuol a, awlsam takin goal 4 tawpin an lo hne a, leader Chelsea an hnawt pei. Hi zan hin Manchester City le Manchester United inkhel ding an ni ve a, EFL Cup Final Manchester United a inkhel lein Premier League match hi postponed a nih. Anachu, an inkarah point 10 tawp a la um lein zuk hnawt phak el chu la harsa hleng a tih. Inkhel tan deu



hlum minute 14 na chauah Spurs goal thun khawl Harry Kane chun goal khat a thun nghan a, chu hnung minute 32

naah England rawl thar Dele Alli chun an hratna sukchieng zuolna dingin goal khat a thun a, hun tawp chenah goal dang a lut sap ta nawh. Hi dungzui hin Tottenham chu pahinna an ni zing a, Stoke City chu a lailung-ah point 32 neiin an um mek ve thung. Tottenham le Stoke City hai hi wawisummi chen hin wawi 71 an inhmatawn ta a, chulaia 38 haia chun Tottenham an hrat a, Stoke City wavi 18 an hrat ta bawk a, a dang po chu an in-ang tawk a nih.

Claude Puel-in video technology hmang a nuom

Pathienni zana EFL final match-a Southampton in Manchester United 3-2a an hnenaw le inzawmin Southampton manager Claude Puel chun match nawk haia video technology hmang ni thei ta sien tiin, a nuom thu a hrillang. Hi inkhelnaa hin Gabbiadini goal thun hmasa-tak chu indikloa puongin, amirukochu replayna-ah offside loa inlang a nih. Puel chun "Gabbiadini goal hmasatak kha atha hlea, pawm ngei ngei chi



a nih. Inkhel khawm kan inkhel tha hlea, hratna kha kan phulem hle a nih. Inkhel lai khan nei thei naw inla khawm kha offside goal video kha

an inkhel thar hlea, kan pak hle bawk a nih," tiin a hril. Hieng ang buoina aum zeu zeu lei hin International Football Association Board (IFAB) chun 2017-18 sung hin video technology nei hman ngei a besei thu a hril. Hi inkhelnaa hin Southampton hai an inkhel tha hlea, an goal po po hi an striker suongvaw Gabbiadini goal thun vawng niin, ama hin Southampton ta ding hin match 3-ah goal 5 a petluta a nih.

Elina Svitolina in Dubai Duty Free Tennis Championship title lak

Elina Svitolina chun Caroline Wozniacki hnehin Dubai Championships nomawi chawiin, semifinal-a a hne hnung Angelique Kerber ruok chun world number 1 ni theina hun tha nei sien khawm a hmang tangkai hri ta nawh.



hrat khawm ka hrat ngei bawk. Nomawi chawii hi iengtiklai khawm an hawiin a hlimum tlak hle a nih," tiin

hril. Svitolina hin semifinal-ah Kerber chu 6-3, 7-6 (7-3) in alo hne bawk a nih. German nunghak Kerber hin Dubai champion la sien chu Serena Williams khum a ta, world number 1 a ni nawk thei ngrihmuna um a nia, amirukochu chance thatak a bawpel-ta a nih. Denmark nunghak Wozniacki hin kum 2011 khan Dubai title hi a lo lak ve tah a, hi inelna-a hin wawi sari an langna-ah wawiruk zet semifinal a kai a nih. World number 1 hlui hi kar hmasak khan Doha final-ah Karolina Pliskova lakah a lo tlawm ta bawk a nih.

Virat Kohli in Captain of the Year award dawng

NEW DELHI: 10th annual ESPNcricinfo Award sema uma chun India test skipper Virat Kohli chu "Captain of the Year" award inhlân a nih. Kum liemta lai khan Kohli hin test 12 hai lai wawi 9 zet India teamhai hratna a changpui a nih. Hi bakah hin 198 balls-a 258 runs siemtu Englishman Ben Stokes kuomah "Test Batting Performance of the Year" award inhlân ania, ama hin counterattacking puihuo takel South Africa hai lakah siemin hratna an thun a nih. A team-mate, 17 over-a 6 wickets latu Stuart Broad kuomah "Test Bowling Performance of the Year" award inhlân bawk a nih.



Australia hai le an inkhel tuma 178 runs siemtu South African palyer Quinton de Kock kuomah "ODI Batting Performance of the Year" award inhlân a nia, 27 overs-a 6 wicket latu spinner Sunil Narine kuomah ODI Bowling Performance of the Year award inhlân bawk a nih. An ni baka hin World T20 final match (Kolkata) nei tuma, azawm zata wawili zet six hlap theitu West Indies hitter Carlos Brathwaite kuomah T20 Bat-

ting Performance of the Year award inhlân bawk a nih. Chun World T20 match-a New Zealand le an inkhel tuma wicket 5 latu Bangladesh left-arm bowler Mustafizur Rahman kuomah T20 Bowling Performance of the Year award inhlân a nia, Test match-tumhni sung chaua wicket 19 latu Bangladesh leirawl thar Mehedi Hasan Miraz kuomah Debutant of the Year award inhlân bawk a nih. Numhei tiengah, World T20 inkhel ani tuma wicket 3 latu New Zealand off-spinner Leigh Kasperek kuomah Bowling Performance of the Year award inhlân a nia, World T20 final match, Australia hai le an inkhel tuma 45 ball-a 66 runs siemtu West Indies nunghak Hayley Williams kuomah Batting Performance of the Year award inhlân a ni bawk. ESPNcricinfo hai hin women's award hi international three format huan a buotsai a nih.

EFL CUP FINAL: Manchester United chun Jose Mourinho hnuoia an Cup lak hmasa takna dingin Southampton hnein Cup an lak

English Football League Cup Final chu Pathienni zan khan Wembly Stadiumah Manchester United le Southampton an inbeitu a. An inbei thei hle a. Anachu Southampton chu a vanduoilei lemah thangan United chun 3-2 in an hne a, Cup hlu tak an lak a nih. Hi an cup lak hi Jose Mourinho'n United a enkawl hnunga an lak hmasa tak a nih. Hi hratna dinga goal thuntuohai chu Zlatan Ibrahimovic (19' & 87') le Jesse Lingard (38') hai an nih. Southampton ta dinga thuntu chu Manola Gabbiadini (45' & 48') a nih. Southampton hi an khel tha hle a, ball khawm an chang rawn, chun Manola goal thun bawk pakhat off side lo lineman-in off side a phar lein pawm a ni naw khawm kha pamhmai tak chu a nih. An ta ding chun vanduoina insang tak ni ngei a tih. Goal 2 thuntu Zlatan Ibrahimovic chun, "Team thanguolna zar a nih. Hieng ang beiseia hi taka hung ka na, ka beisei chu ka hmu a nih. Kan hrat rawn po leh ka hlum a nel," tiin a hril a. An Manager Jose Mourinho chun, "Tuta Cup hi wawi 32 Cup ka lakna ni tain ka hriet a, ei upa tiel a Cup khawm a hlu tiel a nih," tiin a hril. EFL Cup hi Chelsea leh wawithum a lo lak ta bawk. Chu zar chun Sir Alex Ferguson le Brian Clough leh an pathumin EFL Cup la rawn tak an hung ni inruol ta a nih.



Wembly Cup Final-a hin Southampton hai hi kum 1979 a inthawk khan an wawikhat inkhelna a ni a, khel tha hle hai

sien khawm an hrat zo naw chu paw ti hleng an tih. English Football League Cup hi kum 1960-a inthawk khan kum tina nei a ni hlak a. England-a Football Division IV chena mihai ta dinga Tournament buotsai a nih. Premier League, Championship, League One le League Two-a khel phak Club po po a nuom nuom thang thei a nih. England-a ding chun Football inkhelna insang tak pathumna a nih. Hi chunga hin Premier League le FA Cup a um a nih. Hi tournament-a hin Liverpool an la hlawting tak a; wawi 8 tawp Cup an lak ta a, Manchester United, Aston Villa le Chelsea haiin wawi 5 seng an lak ta bakah Tottenham le Nottingham Forest haiin wawi 4 ve ve an lak ta bawk.